

TARIKH	7 OKTOBER 2025 (SELASA)	SURATKHABAR	BH / UM / NST / TS / HM / KOSMO
TAJUK ARTIKEL	KERAJAAN LULUS 158 PROJEK INOVASI BERNILAI RM331J		
M/S	3 (DALAM NEGERI)	KATA KUNCI	MINISTRY OF SCIENCE,
BIDANG	MOSTI	TECHNOLOGY AND INNOVATION	

Kerajaan lulus 158 projek inovasi bernilai RM331j

KUALA LUMPUR: Kerajaan meluluskan 158 projek inovasi bernilai RM331 juta di bawah Dana Pemacu, sebagai langkah memperkukuh ekosistem penyelidikan, pembangunan, inovasi dan pengkomersialan (RDIC) negara.

Timbalan Perdana Menteri, Datuk Seri Fadillah Yusof berkata, inisiatif itu mencerminkan kesungguhan kerajaan memastikan hasil penyelidikan tempatan diterjemahkan menjadi produk dan penyelesaian berimpak tinggi terhadap ekonomi serta kesejahteraan rakyat.

“Malaysia memiliki bakat dan idea hebat yang boleh diterjemahkan menjadi produk bernilai tinggi. Namun penyelidikan semata-mata tidak mencukupi dan ia mesti dikomersialkan agar memberi

impak sebenar kepada rakyat dan ekonomi negara,” katanya pada majlis perasmian Ekspo Inovasi dan Pengkomersialan Negara (NICE) 2025 di Pusat Dagangan Dunia (WTC), semalam.

Menurut Fadillah, Malaysia kini berada di tangga ke-33 daripada 133 ekonomi dunia dalam Global Innovation Index (GII) 2024, naik tiga anak tangga berbanding tahun sebelumnya.

Peningkatan itu katanya, didorong penglibatan sektor swasta yang berjaya melonjakkan perbelanjaan penyelidikan dan pembangunan (R&D) daripada RM4.61 bilion pada 2020 kepada RM9.33 bilion (2022).

“Inovasi merupakan komponen penting bagi kejayaan sesebuah negara, satu-satunya cara untuk masyarakat, ekonomi dan perusahaan terus maju

dalam era ini adalah dengan bersedia untuk berinovasi dan menyesuaikan diri dengan perubahan semasa.

“RDCI yang berteraskan usaha sama kerajaan dan swasta merupakan ramuan tepat menghasilkan produk dan perkhidmatan tempatan yang bernilai tinggi serta mampu meningkatkan perbelanjaan kasar R&D daripada KDNK kepada 2.5 peratus menjelang 2030,” katanya.

Sementara itu, Fadillah berkata, selaras dengan pelaksanaan Rancangan Malaysia Ke-13 (RMK13) kerajaan akan memperkukuh ekosistem penyelidikan, pembangunan, inovasi, pengkomersialan dan ekonomi (RDICE) sebagai teras utama pembangunan sains, teknologi dan inovasi negara.

Selain Dana Pemacu, kera-

jaan turut menubuhkan dana Malaysia Science Endowment (MSE) untuk memastikan pembiayaan R&D kekal lestari melalui sumbangan daripada industri, dana antarabangsa serta angel investors.

Katanya, Kementerian Sains, Teknologi dan Inovasi juga membangunkan Kerangka Kedaulatan Teknologi Negara (NTSF) bagi memperkukuh kemandirian teknologi dalam bidang keutamaan seperti AI, bioteknologi, teknologi hijau, aeroangkasa dan semikonduktor.

Fadillah berkata, usaha memperkukuh rantai nilai daripada penyelidikan hingga ke pengkomersialan amat penting agar hasil sains, teknologi dan inovasi memberi kesan langsung kepada kesejahteraan rakyat dan daya saing ekonomi.

DISEDIAKAN OLEH

1-PN NOR SURIANI BINTI MOHD ZIN (S44), BPM